


外科正宗

二



外科正宗卷三

海甯許 楣辛木訂

明崇川陳實功著

吳江徐大椿靈胎評

海甯蔣光焄寅昉校

癰疽圖形第二十


癰疽總三十圖

婦人四圖

嬰兒二圖

共三十六圖

蓮子發形如蓮子頭多突起腫高潰膿者生  
平塌陰陷者死




徐曰凡瘡毒大者  
必多頭最重圍藥

蜂窠發形如蜂窠頭含螺子片片腐爛孔孔  
流膿紅活者生黑陷者死



楣案紅活者生黑陷者死二句徐圈凡癰疽  
生死盡於此八字不獨蜂窠發然也

井疽心火妄動所發掀赤高腫者生堅硬紫  
黑者死



玉枕疽膀胱溼熱凝滯而成紅腫者生紫陷者死




對心發心火沸騰溼熱凝之腫高腐潰者生軟陷紫黑者死

天疽陽火熾盛所發紅赤高腫者生紫黑平陷者死



徐曰此卽對口惟略偏耳  
楣案天疽在左耳後一寸三分觀後第二十  
三圖可見此圖似誤

榻案馬刀生缺盆之上由胸腋而至脊此圖  
 在玉枕疽部位殊誤



附骨疽初起大腿筋骨  
 作痛久則漫腫出膿膿  
 稠者生氣敗者死




對口太陽蘊熱結  
聚而成高腫易潰



對口疔

失榮症生於耳前後  
 及項間初如痰核久  
 則堅硬漸大如石破  
 後無膿惟流血水堅  
 硬不消腫痛異常乃  
 百死一生之症



耳後發有頭高腫者  
生無膿軟陷者死



耳後發

形如粟米色如紅棗  
 生此百人百不救


徐曰此生  
 於足大指



脫肩

此下散列諸症  
 飲食不化  
 腹中結塊  
 或如蟻行  
 或如鼠走  
 或如魚刺  
 或如刀割  
 或如針刺  
 或如火燒  
 或如冰凍  
 或如風吹  
 或如雨打  
 或如雷轟  
 或如電擊  
 或如日曬  
 或如月照  
 或如星耀  
 或如雲霧  
 或如雨露  
 或如霜雪  
 或如雷霆  
 或如鬼神  
 或如妖魔  
 或如精怪  
 或如鬼魅  
 或如魍魎  
 或如罔兩  
 或如蜃氣  
 或如瘴氣  
 或如瘴毒  
 或如瘴瘴  
 或如瘴瘴

脾肚癰乃飲食炙燂厚味釀成紅紫高腫潰爛者生紫黑平塌陰陷者死



人面瘡屢積業窳一朝得此先宜修省後方醫治

徐曰各處可生



人面瘡

高腫爲癰沈潰爲疽  
有膿者生無膿者死



鳳眉疔

蟹瘡在鼻下

肩風

侵腦疽

黑疔在耳竅內



楣案發於兩眉稜骨及兩眉中間印堂  
 皆名鳳眉疔此圖在額上部位誤  
 又案蟹瘡各本誤作馬刀瘡





喉癰

氣癰

臍癰

腋癰


穿骨瘡

兌疽

蛇頭疔

胃口疽發在心胃之旁陽者有  
頭陰者無頭乃飲食炙燂所致





此圖係...

外科...

愈日申  
 唇疽起唇上有頭腦起寒  
 熱交作胃經積熱所致



流注起於寒熱不  
 調氣血凝滯而生

徐曰串者彼處又生也







胸疔

會谷疔生於虎口

魚肚疔


天賦亦為難也  
命之數亦  
亦其變一



小腹癰腹疼臍突者是也



發在耳後一寸三分  
致命之處左為  
天疽右為銳毒



天疽

銳毒

腎俞發

鵝豆疽

腎俞發

蠱癰生陰囊  
後穀道之前

委中毒



外科正宗卷三 癩疽圖形

十三

一 癰總名腎癰



坐馬癰

下馬癰



鼻疔




結毒硬腫腐爛臭穢者是也




龍泉疽

虎鬚毒



棉花瘡卽楊梅瘡是也





鈕釦風項上如  
癩作痒者是也

癩瘡



乳岩中空如岩穴邊腫若泛蓮魚死候也



乳癰紅腫發熱疼痛是也



乳疽堅硬腐爛者是也



赤遊丹紅如雲形者是也



走馬疳牙根黑  
腐臭爛者是也



癰疽諸名歌第二十一

背之左右謂疽癰。手膀肩背亦相同。肺疽居右癰居左。

蜂癰左右近喉嚨。耳後右為銳毒看。天疽左耳後相逢。

左右兩肩名搭手。井疽正發在中心。楣案癰疽分陰陽不分左右

流注牽藤六七成。發於心上止臍平。脅疽生在脅下。

陰疽大體近箕門。穿踝疽穿股拐下。腳氣原來腳底生。

左為便毒右魚口。鶴膝風從膝眼成。

肩下臍癰腋下疽。喉嚨上下氣癰醫當脈兌疽君可記。

三寸相離穿骨基。紅絲疔從手上起。蛾子喉風口內隨。

腎疽當腎生左右三里穴發附陰疽。  
離臍四寸爲赫癰再高三寸號幽癰腸癰還從臍突起。  
胸疽乳上心肺中合谷一疔名虎口蛇頭魚肚指頭逢。  
腦後一疽名玉枕莫作如常一樣同。  
肩疽樂疽居右手石槌離肘上三分左元陰右襠疽發。  
咬骨陰包穴上生淵疽腎上腿附骨佛頂疽生腦頂門。  
人世毒瘡當切記庶幾患者可全生。  
顴骨爲疔脣上疽鬢邊所發亦疽醫眉中鳳眉防侵腦。  
黑疔耳內不爲奇鼻內生疔當速療透腦原來髮際基。



眉毛癩疽是大毒。頰疔魚眼近腮齊。  
馬刀癩癧氣癭瘡。一氣生來在頸項。  
龍泉虎毒唇上下。  
對口原來髮下藏。牙根唇上癰須記。  
牙下生之疽一行。  
頂牙縫突爲疔治。切莫看成小小瘡。

心肝脾肺腎癰疽。當看胸中穴道醫。  
更有黃頭并白泡。  
發無定處速如飛。左爲坐馬右下馬。  
尾骨頭尖鶴口疑。  
此物殺人能致命。火急攻醫切莫遲。  
婦人之乳有數種。高腫爲癰堅硬疽。  
還有乳岩真惡症。  
腫如頑石破如墟。鈕釦之風生頸項。  
裙帶風瘡腳下居。

又有溼癩瘡等疾。總名爛腿。蔓難圖。  
嬰兒走馬爛牙疳。黑腐沿開。臭不堪。赤游丹毒。渾身到。  
鵝口瘡。苔滿口。漫風瘡。奶癬。多搔癢。血灌膿。窠痛。欠安。  
還有心脾胎熱症。口疳重舌。一般看。

腦疽論第二十二

夫腦疽者。俗稱對口是也。所發不同。其源有二。得於溼  
熱交蒸。從外感受者輕。五臟蘊結。從內發外者重。溼  
熱之爲病。由於天行氣候。寒暑不調節。序溫涼。陰陽  
失度。體虛者易於侵襲。項後雖屬督脈。又主太陽寒

水司行之道。一經侵襲。氣血必凝。凝則必腫。此從外  
感受者。其患初起。有頭多生正穴。三四日間。多作掀  
痛。始生寒熱。口和不乾。色紅根活。瘡勢漸高。形不散  
夫大時止時疼。易膿易腐。飲食知味。起坐如常。外勢雖  
可畏。而無七惡相干。此屬陽症。故雖不治。可愈。其由  
五臟蘊結而成者。其源又有五。蓋心主血。故心緒煩  
擾。煽動不甯。以致火旺而沸騰。行於項間。與寒水交  
滯。而爲腫。一也。肝統筋。故惱怒傷肝。項乃三陽統筋  
之所。肝傷則血脈不潮。筋無榮養。凝結爲腫。故項緊

急強痛不能轉側。其患未潰前肉色紫暗。堅硬漫腫。破流血水。木痛無膿。此皆肝氣受傷。二也。脾主肌肉。故思慮傷脾。脾氣日損。又或膏粱損胃。胃汁乾枯。以致中脘痞塞。氣不運行。逆於肉裏。乃生壅腫。其患外皮雖腐。而內堅不潰。口燥舌乾。飲食不進。根腳走散。膿穢色敗。此皆脾氣受傷。三也。肺主皮毛。故憂鬱傷肺。肺傷則毛竅閉塞。腠理不通。氣不舒暢。縱橫經絡。結而爲腫。其形瘡多平陷。色淡不華。皮腐脂流。形如湯潑。氣巖短促。鼻煤鼻掀。漉漉生痰。殷殷發嗽。此皆

肺氣受傷四也。腎主骨髓。故恣慾傷腎。腎傷則真陰之氣敗矣。真陰一敗。相火自生。此火最能自升自降。或動或靜。煎熬臟腑。消燦津液。更變形容。改換聲音。瘡形紫黑。脈數乖度。煩躁口乾。隨飲隨渴。此皆腎氣受傷五也。凡治此症。必內分虛實。外辨陰陽。體順天時。察其病理。七日以前。瘡勢未成者。當通竅。以汗發之。汗字徐勒七日已後。病勢已成。治當兼補。以托之。則毒不內攻。外無變症。如藥攻利太過。元氣受傷。毒多難出。又敷圍涼藥。氣血冰凝。則肌肉多死。反難腐潰。予

嘗治此。及諸發背。初起未成者。用披針當頂點入。知

痛處。出其惡血。通其瘡竅。隨插蟾酥條。直至瘡底。自未

成者以下三十字徐又批曰此必死之法誤盡蒼生其不死者亦必臥牀幾月服大補之藥而後得安

外用膏蓋。內服萬靈丹。或蟾酥丸。發其大汗。大汗二字徐又

批曰必至陽脫不救解散內蘊之毒。次日患上。或腫或不腫。或

痛或不痛。仍插仍貼。四字徐勒直至患頂腫高。根脚突起。

四圍裂縫有膿。方住插藥。輕淺者。九日後吐出病根。

堅硬不化之物。毒甚者。不能頓然脫落。亦可漸腐成

膿。為轉重就輕之良法。此句徐勒批曰轉輕為重則有之外用玉紅

膏長肉內服補托收斂之藥。不久自愈。如陽症輕淺者。候自腐潰。不用前法針刺。如不腫不疼。灸亦不痛。陰症。尤當速用。不必遲延。此爲移深居淺之大法也。徐曰。此篇泛論。乃通套之談。凡瘡皆如此。非獨腦也。其刺法則殺人之術矣。凡未成者之症。見血必危。此等議論。貽誤後人。死有餘辜。

### 腦疽看法

初起頂高根活。色紅皮薄。作疼掀熱。腫不開散者。順。已成無論偏正。瘡形獻起。疼痛發熱。易膿易腐者。順。已潰

膿稠。肉色紅活。瘀腐易脫。掀腫漸消。痛減者順。潰後腐脫。新肉便生。瘡口漸斂。結痂作癢者順。初生一點黃泡。或似疙塔。不腫不疼。自不知覺者逆。已成不發高腫。亦不掀痛。瘡頂軟陷。根腳平散者逆。已潰膿清。肉色紫黑。外皮不腐。內生臭穢。不食者逆。腐肉雖盡。新肉不生。瘡口散大。軟陷無神。色敗者逆。

內。徐曰。此等看法。諸腫皆同。知其大意可耳。不必重

兼。出也。

腦疽治法





徐曰。法亦大同小異。

腦疽治驗

一男子生項疽十餘日。其勢頗甚。根連左右耳項並腫。紅赤掀熱。脈浮而數。先用黃連消毒散二服。

徐曰。苦寒禁用。

以退大勢。根腳稍定。用托裏消毒散數服。尚不腐潰。診其脈浮無力。詢知年過五旬。久艱嗣息。房中婢妾多人。思慮勞慾太過。損傷元氣故也。瘡勢又大。故服前藥。止能起發。不能培養為膿。更用十全大補湯加

桔梗白芷。倍人參白朮。

以上十  
字徐勒

各三錢。外用桑木灸。

法。以上四字。早晚二次。又塗紫霞膏數日。病者頭面俱

腫。雙目合縫。徐曰此熱藥火灸之害。形狀可畏。然後腐潰。膿出

日至數升。如此半月。因前藥尙不勝病。添出煩躁不

甯。五心煩熱。以上八字徐勒批曰亦藥灸之害。飲食漸少等症。此乃

膿冰出多。氣血走泄。致成虛火假症。隨用聖愈湯一

服。不應。此二字徐勒。又進一服。加熟附子二錢。熟附子徐勒。方

應。前症悉退。換用人參養榮湯。加麥冬五味。五味徐勒。參

朮倍至三錢。調理月餘。腦骨腐肉連髮片片脫下。徐勒

此熱藥之故。狀極狼狽。觀者無不驚訝。腐潰深大。尙恐藥

補不及每日粥食中用人參三錢同煮食之以接補脾元方得元氣漸醒調理四月而愈後一年生子。

徐曰自己用藥大誤以至幾死直至毒隨腐盡然後蠻補得活醫者反誇已功病家亦信其有回天之力。謬種相傳害人不淺。此等醫案可以垂戒而愚者反奉爲師法殺人甯有量哉。

又曰此篇乃其殺人供狀。其人不死乃天幸耳。

一監生項瘡初起瘡頭偏於右半。余謂不可輕視。必用

艾灸爲上。

徐曰不可灸。

隔蒜灸至十五壯。知痛乃住。彼視

爲小恙。不服藥。又四日。頸腫項強。紅紫木痛。徐曰火灸又害

一便秘脈實有力。以內疎黃連湯加元明粉二錢通

其大便。次用消毒救苦湯二服。腫勢仍甚。此內毒外

發。不可再消。換服托裏消毒散。延至二十日。因病者

肥甚。肉緊不能腐潰。余欲行針開放。此四字徐勒堅執不

肯。豈知變症一出。煩悶昏憤。人事不省。始用披針左

右二邊併項之中各開一竅。左右下十二字徐勒批曰可憐內有膿

腐處。翦割寸許頑肉。以上六字徐勒批曰自有腐肉之藥何必翦割必不得已略去

不痛之頑放出膿血碗餘。內服健脾胃養氣血托膿肉可也

補虛之藥。膿似泉流不歇。

以上四字徐勒

每朝夕藥與食中

共參六七錢。服至腐肉脫盡。新肉已生。又至四十日

外始漸甦。知人事。前此竟不知也。

徐曰已半死去

此症設禁

用刀針不加峻補。豈得生乎。幸其子在。庠識道理。信

從余言。

徐曰腐儒為爾所愚

未百日而愈。

一男子患項瘡。五六日來。就余視。頭便黃色。根亦平散。

余曰。此當急治。彼不悅而去。請他醫視之。曰。小恙也。

因即用其藥。又至五日。外瘡勢堅硬。根腳開大。毒氣

已過兩肩。流注前項。胸乳皆腫。嘔吐惡心。寒熱不食。

始復請余治。已非藥力可及。乃用葱艾湯洗淨他醫之藥。連煮藥筒拔提二次。徐日亦不可輕用以藥托爲妙。拔出瘀血碗餘。隨用銀針斜斜插入透通患底數處。以蟾酥條插入孔內。解毒爲膿。總以膏蓋走散處。則以真君妙貼散敷之。其毒漸漸收歸後項原處。又服內托降火化痰之藥。三四日大勢已退。內膿已通。換服十全大補湯。凡堅而不化者。照之腐而不痛者。取之。新肉生遲者。培之。將近三月始得完口平復。

一女人年過六旬。係宦族。素稟怯弱。項間患疽。初起頭

便如粟。所謂裏可容穀也。喜其形體不肥。徐曰：學外科者須當

知之。雖發必易腐潰。先隔蒜灸之。徐曰：亦不可灸。次用蟾酥餅

貼灸上四邊。以吸毒散敷之。使根腳不散。內服托裏

消毒散數服。瘡勢堅硬。疼痛不止。余曰：到某日方止。

今瘡不腐潰。脈細數無力。此內虛不能解毒。為膿。以

疼為要。豈可得止。徐曰：凡瘡不疼者為惡症。疼則當止之。無令困乏。豈有聽其疼之理。

乎次換益氣養榮湯。加角針白芷。三服。腫勢漸起。外

用桑木灸法。腫漸軟。膿出不多。前方去角針白芷。加

香附。倍用參耆。又數服。方得膿潰。痛仍不止。徐曰：無止痛之



藥所。致。余曰。再三日午後可止。至期腐肉將脫。小半臨。

午用乳香定痛散一服。午後痛頓止。得安睡。其家喜。

悅。余曰。此在用藥適當其時。惟信余言。則無失耳。後。

當某日腐盡。某日肌平。某日完口。其家以墨記之。果。

如期不爽。此法要在眼力精巧。徐曰。未見得善。量病

難易。新腐遲速。用藥當否。乃能決期日耳。

一婦壯年患項瘡三日。徑對前口。其家以肥人生此爲。

憂。余曰。項高腳活不妨。彼欲內消。余曰。藥消則不能。

針消則可。徐曰。用藥無害。針則有善。爾何曾有藥消之法。用披針當頂針入。

六七分至軟肉方住。

以上十五字徐勒

遣去瘀血。

徐曰未破之毒總不

宜見血見則生死不可必矣

以蟾酥條插入孔內得大汗。

徐曰亦不宜

次日瘡出微膿漸消。

徐曰此係淺毒故能愈否則已不救矣

猶恐內毒

未盡。又用消毒清熱之藥數服。不出十日而安。

徐曰

得生乃症本輕耳

一男子耳後生疽十餘日。自謂小恙不治。將近半月。根

腳漸大。瘡頭惟流血水。稀惡汗穢。四邊紫黑。

徐曰實是惡候

不軟陷無膿。面慘鼻掀。手冷氣促。脈散大無根。余曰

此內敗症也。辭不用藥。另延他醫治之。曰無妨病者。

恨余不治。每見親友必厲聲自言不死。余曰：後五日必死。果然。凡見此敗症，雖山岳之軀，無不傾倒。

一婦人患正對口四五日，自灸廿餘壯。此五字竟不知

痛。灸疤焦黑平塌。以上四字脈微數而無力，此內虛症

也。若假藥力，則致誤事。徐曰：如何藥能誤事，此亂道也。用披針當瘡

頂刺入寸許。徐曰：豈可深刺不死為幸。不痛亦無血出，此毒滯而

未發。用蟾酥條插入針孔，每日一次，膏蓋其上下。七

日後周圍裂縫出膿，內服純補之藥。至十四日落出

瘡根一塊，如指大，長厚寸餘。徐曰：此乃針傷之惡肉也。方以玉紅

膏生肌。又半月其口已平。糝以珍珠散。生皮而愈。此症設不用針工。專假藥力攻托。雖不至死。豈能速愈。

徐曰專駁用藥豈非奇談足見此醫凡有用藥之處俱無效也

一婦人四旬肥甚。二字徐勒批曰大犯患項瘡五六日。肉腫瘡不

腫

五字徐勒批曰惡症

堅硬色紫。根腳散平。兼口燥心煩。六脈

洪大。此太過症也。後必無膿。辭以不治。另延他醫。有

言外托者。有言內消者。有言年壯不妨。有言脈大易

治。紛紛不定。仍各用藥。又七八日。胸項俱腫。木悶堅

硬。

徐曰此症未必不治。衆藥亂投。變此壞症。

仍請余決之。余曰。此必不治。

初起肉腫瘡不腫一也。根腳平散真氣內敗不能收束毒氣二也。口燥心煩邪火內淫三也。形色紫暗血死毒滯不作腐潰四也。六脈洪大瘡毒大盛正氣受克無以抵當終變軟陷邪毒內攻五也。徐曰此皆不能言二十七朝前後必死果然。者

### 腦疽主治方

黃連救苦湯

黃連救苦葛升銀  
羌活防風共甘草

柴芍芎歸麩梗芩  
腦疽煎服可安甯

治腦疽發鬢發頤及天行時毒初起憎寒壯熱頭面耳項俱腫服之未成者自消已成者自潰

黃連

升麻

葛根

柴胡

赤芍

川芎

歸尾

連翹

桔梗

黃芩

羌活

防風

金銀花

甘草節

各一錢

水二碗。煎八分。臨服入酒一杯。食後服。

徐曰。此為寒散之劑。藥味重複渾雜。不成章法。

又曰。升提苦寒之藥。宜審用。在上之病。並非必用。

升柴桔梗。凡消火驅風之品。皆能愈上焦之痰。初

起。禁用苦寒。凡腫皆然。即升燥之品。亦禁用。恐反

提火上升也。總以辛涼滋潤為主。則火散而毒自

解也。

又曰。丹皮犀角羚羊角枳殼天蟲元參土貝生地

蒼耳。俱可擇用。別本有槐米而無枳殼

梹案以上諸條。徐氏蓋泛論治法。觀凡腫皆然一

語可見。腦疽有偏正陰陽之別。不獨苦寒當禁。卽

水涼劑亦當審其非陰毒乃可用。

解毒天漿散

解毒天漿石決明  
甘草黃連花粉乳

僵蠶山甲防風銀  
翹羌歸尾大黃行

治腦疽積毒日深。堅腫木硬。口燥舌乾。惡心煩渴。六

脈沈實有力。大便閉結不通者。

石決明

生研

僵蠶

穿山甲

土炒

防風

連翹

羌活

乳香

甘草

金銀花

黃連

歸尾

各一錢

大黃

三錢

天花粉

新鮮未晒者四兩石

日內搗爛投水一碗攪勻絞去渣用

右花粉淨汁一碗半。同藥煎至八分。入酒一杯。空心

熱服。行過三次。方用飲食。忌食煎炒發物。

徐曰。此為寒下之劑。亦雜而無法。天花粉乃陰寒

之藥。何得多用。此惡方也。

又曰。堅腫木硬。豈可用寒涼。



內托千金散

內托千金散芍耆  
銀草參甘花粉桂

白芷芎歸防桔隨  
痛加乳沒不須疑

治腦疽發背諸毒惡瘡已成不消者服之易潰

白芍

黃耆

川芎

當歸

防風

桔梗

天花粉

金銀花

人參

各一錢

肉桂

白芷

甘草

各五分

乳香

沒藥

二味痛甚加入

右水二碗煎八分臨服入酒一小杯食遠服

徐曰方味亦雜

又曰上焦之病不得輕用肉桂

回毒銀花散

回毒銀花散最奇  
借問君家何等藥

癰疽陰毒總堪醫  
銀花甘草協黃耆

治腦疽及諸陰瘡不起色變紫黑者急服之。

金銀花

連枝葉  
二兩

黃耆

四兩  
生切

甘草

一兩  
切

用紹酒二十兩。同藥入小口砂罐內密封。重湯內煮三炷香為度。取起濾清服之。蓋暖患上。其瘡漸漸高腫。此轉陰為陽吉矣。後用托藥潰膿。如服後不痛不起。瘡頭流出黑水。此真陰症不治。

徐曰。此藥酒方也。血寒之症。及冬日陰毒。亦可備用。

梅花五氣丹

梅花五氣丹輕粉  
加上雄黃併血竭

乳沒辰砂麝片酥  
托毒護心不可無

治腦疽發背諸般疔腫初起。寒熱交作。筋骨疼痛。有似傷風。惡心嘔吐。但未成膿者。

梅花冰片

五分

當門麝香

五分

輕粉

辰砂

各六分

分

乳香

沒藥

血竭

明雄黃

各一分

真蟾酥

預於端午前尋之。至午日取酥二錢。用頭胎男乳調膏。

右前藥各研極細。對準分數。於端午日辰時製度候。至午時。將上藥九味和入蟾酥膏內。向日丸之。如茄子大。一時內晒乾。用川椒二十七粒。燈心二十七段。同藥收於瓷罐內。養之。以蠟封口。不泄藥氣為妙。凡

遇惡瘡大毒開器取出一枚。先用美饌食飽。次用無根水漱淨口內。再含水一口。少頃待溫。用葱白五寸同水嚼爛。嚥下。隨將藥餅安放舌下。睡於暖處。以被覆蓋。藥化苦水。徐徐嚥之。瘡勢大者。二三餅亦可。藥盡。其汗卽到如淋。諸病若失。如冬月天寒難汗。嚙後將葱白湯催之。亦妙。凡治無有不效。如暗疔人所不知覺。及知覺而失治者。毒氣入裏。人便昏沈。一中便倒。不能依法服藥。急用連鬚葱白七個。煎酒一盃。研藥五餅灌下。藥氣到心。其功如湯潑雪。患者卽便甦。

醒此為外科第一奇方也。

徐曰。此俗所謂梅花點舌丹也。為托毒護心之藥。

小保安湯

小保安湯歸藿苓  
人參甘桔兼芎朮

黃耆半夏麥冬陳  
薑棗同煎效若神

治腦疽諸發已潰流膿服之庶不更變。

當歸

茯苓

川芎

黃耆

麥冬

陳皮

桔梗

人參

白朮

各一錢

半夏

甘草

藿香

各五分

薑三片。棗二枚。水二茶鍾煎八分。食遠服。

徐曰。此法重出。

大保安湯

大保安湯 朮附歸 黃耆 山藥 門冬 草

參 苓 芍 芎 桂 丹 皮 五味 山 萸 熟 地 宜

治腦項諸發癰疽惡瘡。大毒已潰之後。膿水出多。氣血虛弱。精神短少。飲食少思。坐臥不甯。煩躁不眠。晝則安靜。夜則發熱。及虛陽煩渴等症。

白朮

當歸

人參

茯苓

川芎

白芍

山萸肉

黃耆

山藥

丹皮

熟地黃

五味子

各一錢

肉桂

甘草

麥冬

熟附子

各五分

煨薑三片。大棗二枚。蓮肉七粒。水煎。食前後服。

徐曰。此亦蠻補之方。無意義。

陽春酒

一盞陽春酒孰知人參柏子當歸遠

天冬杞朮地黃宜百補方中此最奇

治腦疽諸發已潰流膿腐盡時脾胃虛弱肌肉生遲。或氣血原不足。以致肉色淡白。不能長發收斂。宜服此酒。生長肌肉。強健脾胃。美悅顏色。滋潤皮膚。凡大瘡後飲此。不惟卻病。亦且延壽。

人參

片切

白朮

熟地黃

各五錢

歸身

片切

天門冬

枸杞子

各三錢

柏子仁

遠志

各二錢五

右。上藥用絹袋寬貯。以無灰好酒五斤。磁罐內浸至

一伏時。每早午晚各飲一杯。熱服。如夏月天炎易壞。不堪久服。將藥分作五分。每次用酒一斤。隨便浸服。亦效。如酒將完。藥尚有味。再添酒浸飲。一次已後藥淡無味。不必再浸。

徐曰。亦是通治之方。無意義。

### 桑木灸法

治諸瘡毒。堅而不潰。潰而不腐。新肉不生。疼痛不止。用新桑木長七寸。劈指大一頭。燃着向患上灸之火。盡再換。每次灸木五六條。肉腐爲度。



徐曰。此神燈照之變法。

神妙拔根方

此五字  
徐入

治腦疽發背陰症初起。不腫高。不掀熱。灸不疼。其病  
將來難治。必致壞人。十日以前。用披針當頂插入。知

痛處方止。隨用蟾酥條插至孔底。

用披針以下  
十七字徐勒 每日

二條膏蓋。三日後。加添插藥。其根高腫作疼。

加添以  
下十字

徐勒外用神燈照法。助陰為陽。插照七日。其瘡裂縫流

膿。至十三日。其根自脫。如日多根深蒂固。不能脫者。

披針取之。內用玉紅膏。不脫者自脫。不斂者自斂。此

法百人百活。再無不愈者。

徐曰。用此法者。我目中已見殺數十人矣。卽眞陰症亦不宜用。況陰症干不得一非平塌卽爲陰症也。

又曰。凡瘡未成者。一見血。則毒走肌傷。輕者變重。重者必死。況又插入藥條。以致痛極腐爛。斷無消理。此等惡法。害人不少。然此原云陰症當用此法。乃近人無知。不論陰症陽症。輕病重病。皆用此法。殺人無算。間有愈者。皆痛苦哀號。死裏逃生。乃皆

奉爲金科玉律。舉世皆然。無人救正。豈不傷心。  
楣案徐氏痛駁拔法。垂戒切至。學外科者當奉爲  
金科玉律。至謂眞陰症。千不得一。非平塌卽爲陰  
症。此二句須仔細體會。修煉家言分陰未絕則不  
仙。分陽未絕則不死。癰疽亦然。疽雖陰毒。亦須內  
有陽氣。方可施補托之法。俾令高腫潰膿。眞陰症  
陽氣已燂。乃必死之症。故曰千不得一。非謂患疽  
者皆屬陽症也。合非平塌卽爲陰症句觀之。可見  
平塌多陰症。特恐人一見平塌。便認爲陰症。以致

誤治。故爲揭出耳。原徐氏本意。蓋甚言拔法之不可用。惟可施諸真陰症。而真陰症干不得一。則此法當廢而不用也。

又案腦疽之偏者。陰毒居多。初起惟犀黃丸能消之。已成平塌不疼。神思昏倦。非湯和湯不可。潰後宜貼陽和解凝膏。但犀黃丸價貴。貧人無力服。陽和湯熟地黃分兩極重。醫者不敢用。病者不敢服耳。然服此二藥而愈者。余所見非一人。故附著之。其有平塌而非陰症。如徐氏所云者。則在乎醫之

臨時識症矣。

腦疽應用方

隔蒜灸法

拔筒法

琥珀蠟礬丸

太乙膏

真君妙貼散

護心散

方俱見腫瘍門

蟾酥丸

蟾酥條

俱見疔瘡門

十全大補湯

人參養榮湯

乳香定痛散

聖愈湯

方俱見貴瘍門

楣案隔蒜灸法。蟾酥條。徐勒琥珀蠟礬丸。真君妙

貼散。護心散。乳香定痛散。徐圈

外科正宗卷三終

外科正宗卷四

海甯許梈辛木訂

明崇川陳實功著 吳江徐大椿靈胎評

海甯蔣光焞寅昉校

發背論第二十三

發背有五。一曰陽毒。先因風熱。或患熱毒消渴。或先患傷寒。餘毒蓄積於背脊脊之間。不拘椎數。但從兩夾脊起。滿背掀熱赤紫。或紅色如燄。膿毒難成。成後痛不除。數日之間。忽然平塌。味者誤謂腫消。殊不知此

是內攻肉陷。不可復藥矣。

此二句徐圈批曰此乃始時高腫以後忽平故為險

惡若本不起發雖屬虛症反可施治

二曰陰毒。乃氣冷而作。初如黍米

隱隱而痛。直應前心。頭目昏重。寒熱如瘧。五七日後。

始覺攻腫。膿毒深沈。遲緩未透。急宜以補氣湯藥內

托。

此句徐圈

外以抽膿藥貼之。三日服金石燒煉藥毒。初

起如丹痧之狀。絜絜漸開。如湯火所傷。面色如硃。心

膈煩躁。多渴嗜冷。

此句徐圈

其瘡難起。起則驚人。尤甚於

陰陽二毒。但根柢分明。須以解金石毒湯散急治。其

內方保無虞。四日酒食毒。乃平時或飢或困。飽食即

睡。或多食酒食冷熱黏滑肥鮮油膩之類。積於臟腑。兼之不慎幃幕恣意當風脾臟氣虛不能承受。乃毒

發於背。

徐曰此所謂膏梁之變足生大疔者也

不問椎數。初起頭如小

彈子。後大如拳。其堅如石。痛連四肢。加之拘急。口苦

舌乾。腹急便澀。十數日後。頭面手足浮腫。臟腑滑泄。

急痛如利。是其候也。初腫時。急用收腫發穴潰膿湯

藥。內實臟腑。外泄膿水。治之遲緩。潰腐愈甚。傷骨爛

筋。復感外邪。而致內敗。死矣。五日冒山嵐瘴氣毒。其

人素歷瘴鄉。觸冒嵐瘴。蓄諸臟腑。久而不發。至氣血



衰弱及斲喪虧損之時。而後發露。初起腫色青黑。形如靴皮。附筋徹骨。頑如木石。引手加深。方覺痛處。至五七日。毒氣浮淺。腫高。色變青白。有如拳打之狀。寒戰似瘧。頭痛口歪。又若有風。手足厥逆。眼黑睛小。白多。此因內有邪氣相搏。急宜破清血三五升。方有黃白膿出。然其皮猶腫痛不止。直至青白之色退盡。方愈。此宜急急追趕膿毒出外。方爲無害。否則未有不瀕於危者也。

楣案發背乃大症。而原本無總論。但有治驗各條。

不列於卷二腫瘍治法之後。而統名之曰癰疽治驗。殊爲闕略。失次。今取徐批瘍科選粹中發背論補于治驗之前。并載徐批。而移在腦疽之後。庶幾以類相從。其方藥原本不別出。散見於腫潰瘍諸方及腦疽門。並非專治背疽之方。故仍其舊。

發背治驗

一男子年五十餘。背心生疽十三日矣。湯水不入。煩悶不語。背堅硬如負石。皮色亦紫。瘡勢雖重。喜其根腳交會明白。毒尚結局於此。未經入內。須行拔法。使毒

氣外發。不致內攻。隨煮藥筒提拔二次。去惡血碗許。

徐曰最忌出血又脈實便閉。用內疎黃連湯及豬膽導法。徐曰

何必大便通利二次。使內外毒氣皆得通泄。夜卧即安。

背重失其大半。次用托裏排膿之藥。外以桑木灸法。

腫硬漸腐。膿毒漸出。換服十全大補湯加麥冬五味。

數服。腐肉自脫。飲食漸進。瘡口漸合。調理兩月餘而

愈。

一老婦年近七旬。背瘡已過半月。形勢可畏。其家已置

不治。整備後事。適余往看童稚瘡症。見而問之。咸言

待斃旦夕。余強請觀。半背皆腫。瘡雖不高。亦不內陷。以手按之。外實而內腐。老年內虛。膿毒中隔。不得外發。故也。雖飲食不進。且喜根腳兩無混雜。臟腑各無敗色。治之可生。其家堅執不信。且言籤龜命卜。俱斷必死。余歎曰。再三四日不治。內膜穿潰。此命死於無辜矣。次日。余自往。謂曰。余非相強。實見其可生。不忍聽其死耳。藥金分毫不取。愈後任從酬謝。何如其家首肯。乃先用葱艾湯淋洗。外面俱是不腐。頑肉隨用披針利剪。取去正中二寸頑肉。放通膿管。以手輕重

之間。捺淨內蓄膿血。約有三碗。旁觀無不失色。膿血  
稍盡。仍換前湯洗淨。用膏封貼。內用回元大成湯二  
服。徐曰膿已出可用以接補真氣。後用人參養榮湯倍參朮。  
加香附。早以八味丸。八味丸徐勒八仙饒相兼調理。使其  
脾健食進。腐脫肌生。此婦亦謹慎調理。並未更變。不  
出百日。瘡愈身健。始信余言不謬也。

一監生年過五旬。素有渴症。體又極肥。生背疽約有尺  
許。至十二朝後請治。視其形勢微腫。色淡微紅。根腳  
半收半散。此陰陽相等之症也。肥人內虛。瘡勢又大。

非補托。瘡必難起。毒必易陷。誠恐緩不及事。便以托裏散固其內。候至十五日外。用披針小小從頂放通三孔。緣勢大不可過放。走泄元氣。致膿難成。但令有路可出而已。內用參耆內托散。倍加人參黃耆各三錢。服至二十日。大膿將發。日至升許。早以參朮膏。午用十全湯。加參耆各四錢。麥冬五味子各一錢。徐曰用五味子不通所以毒氣收住而難愈也服至月餘。肉腐通潰。膿似湧泉間。用聖愈湯。兼之八仙醪調理。保助脾胃。增進飲食。尚恐前藥不能勝病。加熟附一錢。脾健膿稠。色黃而正。

四十日外。瘡勢方得微退。時值仲夏酷熱。病者生煩。誤飲冷水二碗。瘡隨下陷。不痛無膿。身涼脈細。腹痛足冷。變為陰症。非辛熱不能回陽。急用十二味異功散。倍人參熟附各三錢。不應。徐曰用人參則寒氣不出矣。換用生

附人參各五錢。人參五錢徐入。早晚二服。方得身溫脈起。瘡

高復痛。又二服。膿似前流。徐曰此藥力做成之膿也。出至一月。約

有百餘碗。竟不減少。外皮紅退。亦不腐爛。徐曰此乃補毒之故。

大凡非反對之藥原不能殺。人只是病勢更大不能愈耳。此肥人外實內虛。故皮

不腐而內潰也。又用玉紅膏。搽於棉花片上。推入瘡

內膏蓋之。內腐漸脫。漸出。又十日後出大腐一塊。約有六兩。自後腫消。身便。膿少。肌生。百日外。方得平復。

人參服過五斤外。人參五斤外。徐入。附子亦用十兩餘。此句徐勒。

方得全安。此症設用解毒傷脾宣利等藥。徐曰。原不可用。何勞。

說得不用辛熱峻補。豈有生理。

一鄉官年踰七旬。背瘡已經八日。形雖微腫。色淡不紅。

勢若龜形。根漫不聳。乃老年氣血衰弱之故。診其脈。

帶微數而有力。此根本未撥。雖老可治。隨用排膿內。

托散加阜刺以潰膿。托裏服至十三日後。瘡漸高腫。



色亦漸赤但不能潰膿。此食少脾弱未能培養之故

也。又用十全大補湯數服。徐曰總不膿始漸出不能

快利。乃內膜中隔不通故也。不可畏其老而致誤事。

隨用披針。徐曰不可當頭取開寸許。捺通膿管。膿果隨出。

以豬蹄湯洗淨膏蓋。復用照藥。每日一次。外肉亦腐

為膿。病者形色枯槁。更用人參養榮湯倍加參耆。徐曰

亦托裏。腐肉將脫者。取之新肉欲生者。培之。但老年

氣血衰不能速效。又加服參朮膏。早晚二次。新肉方

生。飲食頓倍。調理七十餘日而安。

一庠生年六十餘。患背疽已十日外。其形堅硬。色亦深紫。頭發甚多。含若螺子。豎長尺餘。根橫半背。喜其高腫光亮。發熱掀痛。脈洪數有力。此膏粱醇酒溼熱交蒸之故。雖重不妨。隨用照藥三條。相繼照畢。其內含

螺子。盡欲吐出。卽用抵腳刮去。流出惡血。鍾許。徐曰總不

宜刮傷葱湯洗淨。搽上腐藥。用紙蓋貼。周圍根腳。以吸

毒散敷之。收其毒氣。使不開大。次日仍照仍敷。三日後。外肉漸腐。內服托藥。培助脾胃。解毒爲膿。早服八

味丸。徐曰不切以滋腎水。徐曰亂道換洗蹄湯。仍將膏貼。候至

腐盡其深寸餘。隨用紅膏。日漸生長。但此公好飲。雖病不戒。兩月後。新肉雖平。嬌嫩不能結皮。完口。復將浮嫩之肉。盡行翦去。以上十字。徐又批曰。此等法。膏出於何典。其人不死。幸也。貼數日。肉平。復糝珍珠散數次。方結皮。蓋八十日而安。

一老年人患疽半月。其瘡貫脊。徧背皆腫。上至肩膀。下至腰脅。腫若瓜形。頭計數百。其家以爲不治。余診其脈。微洪而不鼓。瘡形腫掀外發。飲食知味。年雖老而根本尚有餘也。先用托裏消毒散二服。其勢稍定。外

用桑木灸法。助其腐潰。根以鐵桶膏箍之。更服排膿  
內托散。正膿漸出。但老年氣血不充。外肉不易就腐。  
視其肉色變而不腐者。用針鉤利。翦徐徐翦去。約四  
寸餘長。見紅肉。便用膏塗。新肉已生。將半時。值隆冬。  
其家自行開看。房中不著炭火。兼蓋護未暖。致被寒  
侵。瘡色淡白。膿亦清稀。飲食減少。氣體不舒。幸其瘡  
本屬陽症。隨用濃葱湯乘暖淋洗。將紅膏烘化。搽上。  
外用膏貼。以熟綿軟絹覆。疊數層。紉蓋甚密。內用神  
功托裏散。早晚連進二服。次早復看。其瘡自回陽矣。

徐曰不蠻用參朮故易愈以後遵法調理百日而安。

一老人年過六旬患背疽十二日矣其形半腫半紅微

疼微熱發於背心之下腎俞之上高低平等廣開八

寸根腳泛腫色若水噴徐曰色若水噴最為壞症頂軟無神似腐

非腐脈浮而大重按則虛余曰此瘡易於腫潰而難

於收斂不可治也其家笑而不信復請里中老醫視

之見病者起居平和言語清利舉動如常飲食有味

以爲五善俱具安若泰山其家亦喜隨用其藥日漸

有功膿潰腫退徐曰此卽陷也腐盡肌生余謂其親族曰此

病必死於收口至錢大時也。眾皆不信。果至口如錢大時變症一出。不四朝而死。始以余言爲神。

一男子六旬有二。發右搭手。余用艾灸。形勢漸高腫。堅

硬不痛。半月後。尚未潰膿。日生煩悶。恐其毒陷。先用

針通。隨行拔法。拔出惡血。鍾許。此六字徐勒稍得輕便。日

搽化腐之藥膏。蓋三日後。瘡漸腐潰。至二十日出正

膿。壞肉漸脫。新肉漸生。外治之法盡矣。其家與一內

科醫甚密。請其開方。不遵外科補托之法。補托二字徐圈失

於峻補。此四字徐勒又曰峻補必兼托毒亦不全在參附語終有弊每日人參不

過二錢。余曰：不及當用五錢。兼熟附二錢。不然必變。其家與內科醫俱不信。後果肉色淡白。瘡口散大。膿水清稀。飲食減少。敗症具矣。雖強投溫中健脾大補之藥。終至形體消削。膿水臭穢。延至六十日。瀝盡氣血而亡。悔已無及。凡大瘡每日膿出一碗。用參必至三錢。以此爲則。此人日出膿三碗。用參二錢。謂之大損小補。安得不死。又外科乃破漏之病。最能走泄真氣。如損補兩不相敵。無以抵當。多致不救。徐曰：此說亦是然補。

法亦儘多。

此人不信補而自取敗亡。惜哉。

徐曰：參固可用。若貧人亦有變。

通之法

一男子年近六旬。其孫患瘡。邀余往視。彼坐於堂。時值仲夏。余見其背生熱癩。凡二十餘。內有一瘡甚小。余謂曰。此非癩比。其毒甚大。一發卽不可治。彼笑而答曰。固無恙也。及送至門。余又謂曰。可急請他醫視之。彼仍不信。至十日。形勢稍發。命里中一醫視之。曰。癩也。又十日。形勢內陷。敗症齊出。始信前言。央親友邀余往視。彼卧於堂。帛覆瘡上。余登堂未數步。卽退。親友問故。余曰。敗氣滿前。死期速矣。何必再視。急備後



事更七日死。果如期不爽。

疔瘡論二十四

夫疔瘡者。乃外科迅速之病也。有朝發夕死。隨發隨死。有三日五日而不死。一月半月而終死。此在於毒中之淺深。各隨臟腑而見症。有曰火燄疔。其患多生唇口手掌指節間。初生一點紅黃小泡。抓動癢痛非常。左右肢體麻木。重則寒熱交作。頭暈眼花。心煩發躁。言語昏憤。此出於心經之病也。有曰紫燕疔。其患多生手足腰脇筋骨之間。初生便作紫泡。次日破流血。

水。三日後串筋爛骨。疼痛苦楚。重則眼紅目眩。指甲  
純青。舌強神昏。睡語驚惕。此出於肝經之病也。有曰  
黃鼓疔。初生黃泡。光亮明潤。四邊紅色纏繞。多生口  
角腮顴眼胞上下。及太陽正面之處。發之便作麻癢。  
綳急硬強。重則惡心嘔吐。肢體木痛。寒熱交作。煩渴  
乾噦。此出於脾經之病也。有曰白刃疔。初生白泡。頂  
硬根突。破流脂水。驟然癢痛。易腐易陷。重則腮損咽  
焦。毛聳肌熱。咳吐膿痰。鼻掀氣急。此出於肺經之病  
也。有曰黑靨疔。其患多生耳竅胸腹腰腎偏僻軟肉

之間。初生黑斑紫泡。毒串皮膚。漸攻肌肉。頑硬如釘。痛徹骨髓。重則手足青紫。驚悸沈困。軟陷孔深。目睛透露。此出於腎經之病也。以上五疔。內應五臟。又紅絲疔。起於手掌節間。初起形似小瘡。漸發紅絲。上攻手膊。令人多作寒熱。甚者惡心嘔吐。遲治則紅絲至心。常能壞人。用針於紅絲盡處挑斷出血。此十一尋字徐圈

至初起瘡上挑破。俱用蟾酥條插入膏蓋。

蟾酥條徐勒批口點

拔毒藥為妙

內服汗藥散之自愈。凡治此症。貴在乎早。

此句

徐圈初起即治者十全十活。稍遲者十全五六。失治者

十全一二初起項以上者。三陽受毒。必用披針刺入。

瘡心四五分。

徐曰必用金針為穩不必太深。

挑斷疔根。令出惡血。隨

用回疔丹。或蟾酥條插入孔內。膏蓋之。如項以下者。

三陰受毒。即當艾灸。

此句徐又

灸之不痛。亦須針刺插藥。

方效。隨後俱用蟾酥丸。冬月萬靈丹發其大汗。

二字徐勒

批曰發汗總不宜太過。

毒方得解。不致稽留毒氣。致生變症。今

人治法。不論陰陽表裏部位上下。凡見是瘡。便加艾

灸。殊不知頭乃諸陽之首。亢陽熱極所致。其形雖小。

其惡甚大。再加艾灸。火益其勢。逼毒內攻。反為倒陷。

走黃之症作矣。既作之後。頭面耳項。俱能發腫。形如尸胖。七惡頓起。治雖有法。百中難保一二。外又有疔名數種。形狀紛紛。有舊說未及重錄。

徐曰。此篇皆是古人舊說。不可不知。但疔不可灸。以其全屬火也。

三楣案。徐言疔不可灸。全生集言疔藥不可用酒。皆古人未發之論。凡藥不忌酒煎。而疔獨忌之者。疔善走黃也。

疔瘡看法

初起如疥形如粉刺。或小泡。或疙瘩。結腫不散者順。瘡腫不作寒熱亦不惡心。飲食有味。手足溫暖者順。瘡腫肉不腫。四圍白色。多痛少癢。作膿者順。已潰出膿。瘡仍高腫。肉色鮮明。根內紅活。漸平者順。初起似疔非疔。軟慢灰色。四邊瘡根平塌。漫腫者凶。未發前先作寒熱。如瘡惡心不食。後出瘡如蚊跡。蚤斑。或青紫黑泡。軟陷無根。腐爛深孔。氣麤足冷者逆。瘡形似魚臍。頂凹灰白。軟漫相兼。脈細身冷者多逆。肉腫瘡不腫。根腳走散。瘡頂空腐。血水氣穢者死。凡疔項以上針刺不疼。項以下灸。

之不痛。俱死。已經走散。頭面耳項俱腫。煩躁脈細。痰動喘急者死。日久原瘡無跡走散之處。仍復作膿。脈數唇焦。終死。病雖險惡。歲運順者可活。瘡雖微險。歲運逆者當危。

徐曰。大段與諸症同。

瘡案徐批有附錄繡波公一條云。疔瘡全看部位。如部位不佳者。甚爲難治。余觀其毒將走之症。用針破其四圍。插入拔疔之藥。其浮腫處用針鑱之。出其惡血。此法甚妙。

又案他書載疔形闊如韭菜長可寸餘肉色紫黑者忌行針刺。

疔瘡治法

初生在項以上者必先針刺。

徐曰亦宜斟酌

以去惡血庶毒不

內攻在項以下者必先艾灸。

此四字徐入

以殺其勢庶不侵

良肉發熱惡寒身體拘急六脈緊數邪在表也宜汗散之身體發熱口燥咽乾脈實有力二便秘澀者宜下之。

針刺之後瘡不作腐邊腫不消仍加插藥。

二字徐入內用補

托初起悞灸致毒走黃不住者急當隨走處砭去惡血。



四字  
徐點發熱乾嘔心煩作渴悶亂神昏當解毒清心托裏

護膜。此二句潰後氣血受傷神怯食少睡臥不甯宜助

脾胃斂神氣將愈後氣血漸復飲食當進仍作渴者急

滋養腎水。徐曰宜更清心胃之火

疔瘡治驗

一監生右顴下生疔三日形如魚目麻癢不常此肺經

受毒也。用針刺入四五分。此句徐勒批曰蠻做其硬如骨有聲。

隨用蟾酥條插至三日猶不腐化。徐曰肉已變頑那得腐此堅

頑結聚之病也。非此藥所能勝。徐曰為藥所害換用三品一

條槍插至七日。

以上九字徐又批曰好肉俱須痛極矣可惡

外用紙封蓋。

至十一日脫出疔根一塊約有指許。

徐曰皆好肉以爲藥所變者

長肉玉紅膏搽之先服托裏消毒散加金銀花二錢。

白芷五分脫後用八珍湯加天花粉麥門冬黃耆陳

皮各一錢調理月餘肉已平用珍珠散糝上結皮而

愈。

徐曰此等治法真所謂將好肉做瘡弄成大症以

見已功恐醫者亦未必知其害人也其傳授如此

耳。

一監生中年縱欲。自服補腎助陽之藥。以致腎水受傷。

以上四字徐不能上制心火。左顙生一泡。先紫後黑。  
圈批曰是

麻木不知痛癢。黑屬腎經。其毒不淺。幸四邊尚未走。

散。即用針刺。此二字徐勒以冰蠶散厚糊作條。插入患孔。

以上入字徐勒批曰顙仍用紙封。勿令泄氣。朝服加

減八味丸。以滋腎水。八味丸徐勒批曰此乃增腎火也午服益氣養

榮湯。接補真氣。晚用琥珀蠟礬丸。護心解毒。至十一

日外。疔根與藥結成一塊。以上入字徐勒批曰凡依好肉遇惡藥皆為死肌依

期脫落。乃用生肌斂口補助調理脾胃之藥。二十日

而愈。後因不慎保養。幾及三年。復成勞瘵而歿。徐曰病根

仍在自然致死

一婦年近四旬。與夫不相得。懷抱鬱鬱。季夏腮發一疔。

六日後方延余治。毒已走散。頭目脣項俱腫。形色紫

赤。余曰。肉腫瘡不腫。業已走黃。不治之症。徐曰亦非必死之症

以下治法幸而生耳婦流涕歎曰。一家皆絕也。余問其故。婦曰。

吾夫不肖。有一女二子。尙未婚嫁。我死而托命於夫。

必致流蕩。故我死則家絕矣。余聞其言。不忍棄而不

治。但瘡勢既大。非藥力可回。因先僱一貧人與飯與

飽再飲火酒數杯。隨用針刺腫上十餘處。以上七字徐勒令

其吸出惡血數碗。以上四字徐勒批曰自有散毒之方何必出血以空營氣又曰果有

可生之理溫湯洗淨。用蟾酥錠磨濃塗之。四圍敷金

黃散。早晚二次。內以護心散蠟礬丸清心護裏。兼服

降火化痰開鬱安神之藥。餘腫稍退。又六日。其夫言

何以不死。婦聞暴怒。腫甚於前。復用針刺約十餘處。

出血三四碗。以上十三字徐勒針孔上蓋小膏。餘腫

仍用敷藥。出血既多。其內必虛。服人參養榮湯。徐曰

多不得加香附貝母。數日後。針口漸膿。餘腫漸消。其

不然

瘡頭乃得高腫。仍用蟾酥條插化腐潰。徐勒外用

生肌斂口之藥。內服開鬱和中養血健脾之劑。百日

外方愈。此瘡勉強治之得生。其後二子一女俱婚配。

夫先故。婦今六十五歲矣。

一婦二十二歲。右耳垂向前一寸生疔。二日請余視之。

約有豆大。頂陷色灰。此肺經白刃疔也。又根腳綿軟。

毒不結聚。爲陷伏陰症。未及針刺。徐曰若針出血亦死其舅曰。

何恙也。余直告曰。疔瘡彼冷笑不信。余因辭不用藥。

復請他醫視之。曰。不過風熱疔瘡耳。用消風散藥二。

服毒氣全收昏憤喘急而死。

一少婦顴下生疔。疙瘩作癢。予欲針之。此四字徐勒批曰針亦死其

家不信。自用灸法。次日四邊漸腫。瘡漸陷。此二句徐勒批曰灸

之害又三日。頭面大腫。復請余視。灸處已結黑靨。乾

陷無膿。此毒氣內陷。外肉已死。又面目浮腫。光亮發

熱。形狀不堪。此正氣衰而邪氣實也。治必不效。其家

悔之無及。後半月而死。

### 疔瘡主治方

蟾酥丸

蟾酥丸用有奇功  
銅綠蟾酥寒水石

乳沒砂礬輕粉同  
蝸牛原麝共蜈蚣

治疔瘡發背腦疽乳癰附骨臀腿等疽一切惡症歹  
瘡不痛或麻木或嘔吐病重者必多昏憤此藥服之  
不起發者卽發不痛者卽痛痛甚者卽止昏憤者卽  
甦嘔吐者卽解未成者卽消已成者卽潰真有回生  
之功乃惡症中至寶丹也。

蟾酥

二錢  
酒化

輕粉

五分

枯礬

寒水石

煨

銅綠

乳香

沒藥

膽礬

麝香

各一

錢

雄黃

二錢

蝸牛

二十箇

硃砂

三錢

以上各爲末稱準於端午日午時在淨室中先將蝸



牛研爛。再同蟾酥和研稠黏。方入各藥。共搗極勻。丸如菉豆大。每服三丸。用葱白五寸。患者自嚼爛。吐於男左女右手心。包藥在內。用無灰熱酒一茶鍾送下。被蓋。約人行五六里許。出汗爲效。甚者再進一服。修合時。婦人雞犬等忌見。

徐曰。此護心定痛之方。有狗寶丸。此等方可不合。楣案蟾酥膽礬蝸牛三味。徐圈方中無蜈蚣。而歌訣有之。

黃連解毒湯

黃連解毒湯黃連  
連翹甘草牛蒡子

黃柏黃芩山梔兼  
口乾內熱卽時搗

治疔毒入心。內熱口乾。煩悶恍惚。脈實者。

黃連

黃芩

黃柏

山梔

連翹

甘草

牛蒡子

各等分

水二茶鍾。燈心二十根。煎入分。不拘時服。

徐曰。一味寒涼。亦宜酌用。

楣案全生集有奪命湯。為疔毒主方。余初疑其家傳祖方。後得鈔本仙傳。治疔方有之。乃知其古方也。方用羌活。獨活。防風。青皮。黃連。赤芍。藥細。辛甘。

草。蟬蛻。僵蠶。草河車。澤蘭。金銀花。各等分。鈔本防。

風青皮分兩稍重。云初起急服此方。能內消也。余曾見將走黃者服之亦效。

立馬回疔丹

立馬回疔丹輕粉雄乳硃砂金頂等

蟾硃蜈蚣麝白丁香化疔恰似雪投湯

治疔瘡初起。已用針刺後。又或悞灸失治。以致疔毒走散不住。乃走黃險惡症也。急用此插。

水蟾酥

酒化

硃砂

輕粉

白丁香

各一錢

蜈蚣

一條

雄黃

硃砂

各二錢

乳香

六分

麝香

一分

金頂砒

五分製法詳末卷

共為細末。糊成麥子大。凡遇疔瘡針破。用此一粒插。

入孔內膏蓋之。追出膿血。疔根為效。

徐曰。疔有毒肉。必用此拔出。降藥亦能拔疔。

又曰。總屬剛燥之藥。不宜輕用。

又曰。蟾酥乃點頭必用之藥。

又曰。代針丹有血竭。硼砂。冰片。

疔毒復生湯

疔毒復生湯。牡蠣。花粉。連翹。黃。阜刺。

乳沒。山梔。與木通。銀花。牛蒡。骨皮。同。

治疔毒走黃。頭面發腫。毒氣內攻。煩悶欲死者。

牡蠣

山梔

金銀花

木通

連翹

牛蒡子

乳香

沒藥

角刺

花粉

大黃

地骨皮

各入分

水酒各一茶鍾煎一半。食遠服。不能飲者。水煎。臨服入酒一杯和服。亦效。脈實便秘者。加朴硝。

徐曰。此表裏兩解之方。實火宜用。

七星劍

疔瘡最怕七星劍。蒼耳麻黃豨莶草。

野菊河車與蒂丁。如入半枝蓮有靈。

治十三種疔瘡初起。憎寒作熱。惡心嘔吐。肢體麻木。痛癢非常。心煩作躁。甚者昏憤。急宜服之。

野菊

嫩頭

蒼耳頭

豨莶草

半枝蓮

蒂丁草

麻黃

錢一

草河車

錢二

用好酒一斤煎至一碗。濾澄熱服。被蓋出汗為度。冬月無鮮草。宜預採陰乾。臨時煎服之。亦效。

徐曰。此所謂草頭方也。

鉛粉散

鉛粉散治冷疔瘡。輕粉黑鉛澄黑粉。

黃丹松脂及麝香諸般陰爛可回陽。

治冷疔生於腳上。初起紫白泡。疼痛徹骨。漸至腐爛。

深孔紫黑。血水氣穢。經久不瘥。用此大效。

黑鉛

四兩鐵杓化開。傾入水中。取起再化。如此百遍。以鉛盡為度。取水澄下者三錢。

松脂

一錢

黃丹

飛炒五分

麝香

一分

輕粉

五分

共研。先用葱湯洗淨。麻油調塗瘡口。油紙蓋外。

徐曰。此治浮毒之症。下體臙瘡最宜。

化疔內消散

化疔內消散山甲  
甘草白芨乳河車

知母天花粉阜角  
半夏銀花赤芍藥

治疔瘡初起。或已針已灸之後。服之能令內消。

阜角針 金銀花 知母 貝母 天花粉

穿山甲 白芨 乳香 赤芍 半夏

甘草 草河車

各一錢

水酒各一茶鍾。煎一半。量病上下食前後服之。

徐曰亦通治之方。重出。

楣案天花粉徐勒。

束毒金箍散

束毒金箍散白芨黃柏鬱金輕豆粉

白芨白芷生大黃敷圍諸毒不開張

治疔瘡針刺之後餘毒走散作腫宜此藥箍之

鬱金

蟬肚者

白芨

白芨

白芷

大黃

各四

兩

黃柏

二兩

輕粉

五錢

菉豆粉

一兩

共為細末。酸米漿調箍四邊。夏熱甚者蜜水調。

徐曰。卽圍藥意義。

解毒大青湯

解毒大青湯知母人黃人糞麻梔桔

元參麥冬生石膏大黃木通二便調

治疔瘡候灸逼毒入裏致生煩躁。譫語不定者。

元參

桔梗

知母

大青葉

升麻



石膏 山梔 人中黃 麥門冬 木通 各

錢

大黃 便秘 燒人糞

水二茶鍾。淡竹葉燈心各二十件。食遠服。

楣案人中黃燒人糞徐俱批不入藥。陸君以湑謂人糞入藥。具載他書功效甚著。王君士雄謂不入藥者。不入煎劑也。以其穢惡耳。如遇火盛毒重之證。改用陳年糞清澄澈無穢氣者。頗有殊功。醫者不可不知也。

消疔簡便方

消疔簡便藥二般 每服三錢溫酒下

葱白七莖和白礬如湯潑雪勝靈丹

治疔瘡及諸惡毒初起但未成膿者

白礬末

三錢

葱白

七莖

右二味同搗極爛分作七塊每塊用熱酒一杯送下服畢用厚被蓋之再喫葱白湯一鍾少頃汗出如淋從容去其覆物其痛苦脫此雖味澀難服其效更妙凡居鄉村之處倘有緊病不及請醫只傳此方服之活人甚眾誠為良便方也

太乙紫金丹

太乙紫金丹麝香  
硃砂大戟千金子

茨菇文蛤共雄黃  
百症諸瘡應手良

解諸毒療諸瘡利關竅通治百病此藥真能起死回

生製之濟人奇效不可盡述。凡居家出入與大工動  
大兵及閩廣雲貴仕宦者不可無之。

山茨菰

洗去毛皮淨焙二兩

川文蛤

一名五倍子破淨焙一兩

麝香

揀淨毛皮乾者研淨三錢

千金子

一名續隨子仁白者去油一兩

紅芽大

戟 杭州紫大戟為上江南次之北方綿大戟色白者性烈峻利損傷元氣弱人服之有致吐血愼

之勿用取杭州之上品者去蘆根洗淨焙乾為末一兩五錢整

硃砂

有神氣者研極細末

三錢

雄黃

鮮紅大塊者研細末三錢

以上之藥各擇精品於淨室中製畢候端午七夕重陽或天月德天醫黃道上吉之辰凡入室合藥之人

三日前俱宜齋沐。更換新潔衣帽。臨日方入室中。淨  
手薰香。預立藥王牌位。主人率眾焚香拜禱事畢。各  
將前藥七味。復戩稱準。入於大乳鉢內。再研數百轉。  
方入細石臼中。漸加糯米濃飲調和。軟硬得中。方用  
杵搗千餘下。至極光潤爲度。每錠一錢。每服一錠。病  
勢重者。連服二錠。以取通利。後用溫粥補之。修合時  
除合藥潔淨之人。餘皆忌見。此藥惟在精誠潔淨爲  
效。治一切飲食藥毒。蠱毒。瘴氣。惡菌。河豚中毒。及自  
死牛馬豬羊六畜等類之肉。人誤食之。必昏亂卒倒。

或生異形之症。並用水磨灌服。或吐或瀉。其人必甦。  
南方山巒瘴氣。烟霧癘疫。最能傷人。感之。纔覺意思  
不快。惡寒惡熱。欲嘔不嘔。卽磨一錠服之。得吐利便。  
愈。癰疽發背。對口疔瘡。天蛇無名腫毒。蛙節紅絲等  
疔。及楊梅瘡。諸風癰癩。新久痔瘡。並用無灰淡酒磨  
服。外用水磨搽瘡上。日夜數次。覺癢而消。陰陽二毒。  
傷寒心悶。狂言亂語。胸膈塞滯。邪毒未出。瘟疫煩亂。  
發狂。喉閉。喉風。俱用薄荷湯待冷磨服。赤白痢疾。肚  
腹瀉泄。急痛。霍亂絞腸痧。及諸痰喘。並用薑湯磨服。

男子婦人急中顛邪渴叫奔走鬼交鬼胎鬼氣鬼壓  
失心狂亂羊兒豬顛等風俱用石菖蒲煎湯磨服中  
風中氣口眼歪斜牙關緊急言語蹇澀筋脈攣縮骨  
節風腫遍身疼痛行步艱辛諸風諸癘並用酒磨頓  
熱服下自縊溺死驚死壓死鬼魅迷死但心頭微溫  
未冷者俱用生薑續斷酒煎磨服一切惡蛇風犬毒  
蝎溪澗諸惡等蟲傷人隨卽發腫攻注徧身甚者毒  
氣入裏昏悶響叫命在須臾俱用酒磨灌下再喫葱  
湯一碗被蓋出汗立甦新久瘧疾臨發時東流水煎

桃柳枝湯磨服。小兒急慢驚風。五疳五痢。脾病黃腫。癰癤瘡瘤。牙關緊閉。並用薄荷浸水磨濃。加蜜服之。仍搽腫上。年歲幼者。每錠分作數服。牙痛。酒磨塗痛上。仍含少許。良久嚥下。小兒父母遺毒。生下百日內。皮塌爛斑。穀道眼眶。損爛者。俱用清水磨塗。打撲損傷。松節無灰酒研服。年深月近。頭脹頭疼。太陽痛極。偏頭風。及時瘡愈後。毒氣攻注腦門作脹者。俱用葱酒研服一錠。仍磨塗太陽穴上。婦女經水不通。紅花湯下。凡遇天行疫症。延街及巷。相傳遍染者。用桃根

湯磨濃。搭入鼻孔。次服少許。任入病家。再不傳染。又  
治傳尸勞瘵。諸藥不能禁忌。一方士指教服此。每早  
磨服一錠。至三次後。逐下惡物。尸蟲異形怪類。後得  
脫然。以此相傳。活人不計其數。一女子久患勞瘵。爲  
屍蟲所噬。磨服一錠。片時吐下小蟲十餘條。後服蘇  
合香丸。其病頓失。調理月餘而愈。真濟世衛生之寶  
藥也。

徐曰。此諸毒邪氣內外要方。無病不治。

又曰。此秘藥中之第一方也。用藥之奇。不可思議。



人參清神湯

人參清神湯朮者柴陳遠志黃連等

歸苓甘草麥冬宜功效還同地骨皮

治疔瘡潰膿後餘毒未盡五心煩躁精神恍惚不甯。言語睡卧不清服之降火清心保扶元氣。

人參

黃耆

當歸

白朮

麥冬

陳皮

茯苓

地骨皮

遠志

各一錢

甘草

柴胡

黃連

各五分

水二茶鍾糯米一撮煎八分食遠服。

徐曰此愈後調養方毒未盡者不可服。

內托安神散

內托安神散朮者麥冬五味菖蒲草

茯神酸棗志陳皮加上人元參更宜

治疔瘡針後。已出膿時。元氣虛弱。睡臨驚悸。心志不  
甯。或毒未盡。流入心竅。致多健忘。亦宜服。

人參

茯神

黃耆

白朮

麥冬

元參

陳皮

各一錢

酸棗仁

遠志

甘草

石菖蒲

五味子

各五分

水二茶鍾。煎八分。臨服入硃砂末三分。和勻。食遠服。

徐曰。與前方相同。可刪。

疔瘡應用方

蟾酥條

卽前蟾酥丸作條捏餅用之

琥珀蠟礬丸

玉紅膏

如意金黃散

托裏消毒散

護心散

見腫瘍門

八珍湯

益氣養榮湯

加減八味丸

人參養榮湯

珍珠散

見下府門

冰蠅散

見癰瘡門

脫疽論第二十五

夫脫疽者。外腐而內壞也。此因平昔厚味膏粱。薰蒸臟

腑。丹石補藥。消燦腎水。房勞過度。氣竭精傷。兼用房

術之藥。或嚙舌下。化水直至丹田。或納臍中。使熱徑

投內腎。為丸掌握。作香鼻嗅。或抹陰鼎。或擦陽器。圖

使堅硬。希求常濟。多致陽精煽惑。淫火猖狂。

徐曰下愚往往

有其蘊蓄於臟腑者。終成燥熱火症。其毒積於骨髓。者。終爲疽毒陰瘡。巧人行拙。誰防禍起。蕭牆智者多。愚自謂喜從天降。直至骨枯髓涸。臟敗腑亡。方悔解脫無方。罹殃有故。凡患此者。多生於手足。手足乃五臟枝幹。瘡之初生。形如粟米。頭便一點黃泡。其皮如煮熟紅棗。黑氣侵漫。傳遍五指上至腳面。其疼如湯潑火燃。其形則骨枯筋縮。其穢異香難解。其命仙方難活。故謂血死心敗。筋死肝敗。肉死脾敗。皮死肺敗。骨死腎敗。此五敗者。雖有靈丹。喪命而已。生此疾者。

死生付於度外。孫真人曰：在肉則割，在指則切。卽此病也。治之於早，乘其未及延散時，用頭髮十餘根纏患指本節盡處，遶扎十餘轉，漸漸緊之，毋使毒氣攻延良肉。隨用蟾酥餅放原起粟米頭上，加艾灸至肉枯瘡死爲度。徐曰：灸而後割，不至痛極血湧，亦良法也。次日，本指盡黑，方

用利刀尋至本節縫中，將患指徐順取下，血流不住，用如聖金刀散止之。餘腫以妙貼散敷之。次日倘有黑氣未盡，單用蟾酥錠研末糝之，膏蓋黑氣自退。患上生膿，照常法用玉紅膏等藥生肉護骨完口。此爲

吉兆。內服滋腎水養氣血健脾安神之劑。若內外無  
變症。十中可保其三四矣。若割取之後。黑色仍漫痛  
腫尤甚。敗惡無膿。口乾舌硬。精神不爽。食不知味者。  
終死。凡治此不可一已專任。必與高明眾議。聽患者  
願割與否。因此症首尾吉凶難定。故不可輕易醫治。  
又有似是而實非者。詳註在後。宜參觀之。  
徐曰。此症十死八九。卽治之得法。亦難輕許其活。  
此論卻是一篇勸戒文。不獨生脫疽者然也。

脫疽看法

起瘡不渴。口潤舌和。性志尋常。無妄暴急。循禮爲吉。初  
出形如麻子。掀熱作痛。一指皆腫。根腳收束者吉。已成  
頭便作腐。肉不紫黑。疼痛有時。膿出腫消者吉。已潰先  
膿後腐。肉色紅活。毒不走散。氣不腥穢者吉。未瘡先渴。  
喜冷無度。昏睡舌乾。小便頻數。陽痿者逆。初起形如粟  
米。肉便紫色。不腫刺疼。黑氣延散者逆。已成瘡形。枯癩  
肉黑皮焦。痛如刀剜。毒傳好指者逆。已潰肉枯。筋腐血  
水臭汗。疼苦應心。零仃徹骨者逆。

脫疽治法

脫疽多生足指。少生手指。初起水窠黃泡者。卽灸之。初  
生如粟。裏可容穀。皮色紫赤。不作掀腫。髮扎仍灸。已灸  
之後。瘡受火氣。發泡作膿。外藥繙之。內兼補托。毒勢已  
成。瘡形稍陷。但紫色未攻。腳面者。評議割取。旣割之後。  
血水淋漓。疼痛不減。和氣血。補脾胃。已成。飲食減少。身  
體倦怠。便數口乾。滋津液。壯腎水。破後氣血受傷。脾胃  
虛弱。自汗盜汗。惡心乾嘔。睡卧不甯。日晡發熱。疼痛若  
楚。煩悶譫妄。俱宜大補氣血。富貴及膏粱素饜色慾。每  
於房術縱恣日久。禁行割法。



徐曰看法與諸症同。治法前已說明。重出不必。

脫疽治驗

一男子年近五旬。右足小指初生如粟米形。漸成白泡。三日始痛。請治。頭已腐爛。一指紫腫。此脫疽也。用艾火明灸十三壯。始大痛乃止。又用針刺灸頂。貼蟾酥餅膏蓋。其餘紫腫。用披針擊刺七八處。發泄毒血。用蟾酥錠磨濃塗之。腫外以真君妙貼散敷護良肉。使不外侵。時病者脈數。身發寒熱。惡心體倦。先用人參敗毒散。人參二字徐勒解其表症。次用黃連內疎湯。通其大

便而惡心煩熱亦止。又用托裏消毒散加金銀花牛

膝數服。早用八味丸。晚用蠟礬丸。相兼服之。隨又針

刺。徐曰。針刺本不必。又針刺更不必。泄其毒氣。解毒為膿。腫方不散。

後用十全大補湯加山萸五味。此四字。徐勒。麥冬等藥。調

理月餘而愈。此疽若不針灸。發泄毒氣。專假藥力敷

圍。再加峻藥攻利。必傷元氣。豈能保乎。

徐曰。此症並非脫疽。乃溼毒也。糝解毒清火藥。卽

愈。因誤治遂成大症。

一客商右足次指生一紫泡。癢痛異常。次日指甲俱紫。

欲黑。余曰：此乃肝腎二經之毒。甲乃肝之餘氣，甲紫則肝受毒也。骨乃腎之餘，腎傷則骨黑。彼問：何以致之。余曰：凡人勞疲筋力傷於肝，誤服熱藥傷於腎。

此句

徐圈批  
曰名言

旁人曰：情實有此。彼久客狎妓，常服興陽細

丸，恣情取樂，已二年矣。余欲辭不治，彼哀告求生，冀得還鄉。余令先取妓者頂髮十餘根，撚線纏扎患指盡處，隨將艾炷在紫色處排勻三炷，每灸七壯，各貼蟾酥餅膏。蓋過夜，一指皆黑，量其筋骨皮肉俱死，用利刀順節取脫患指。

徐曰：此是古法。

乃冰冷惡物，預煎甘草。

湯浸洗良久。候疾血稍盡。以止血散糝之。次日灸處  
紫色不退。恐其上延。又以神燈法照之。候血散皮縐。  
合蟾酥丸料。多加海羊研爛敷之。早晚二次。腫不復  
作。紫色變紅。紅色潰膿。外用生肌止痛活血收斂之  
藥。又熬參朮地黃膏。朝服接補真元。午服健脾藥以  
固胃氣。晚用金液丹以解藥毒。如此調理三月而愈。  
或問用妓髮何也。余曰。以彼心愛之髮貼肉。雖疼而  
不疼。徐曰。神其說以欺人。妓又如在目前。此妙用也。

一婦中年肥胖。患渴三載。右手食指麻癢。月餘。節間生

一小泡。隨後本指漸腫。疼脹不堪。原泡處生黑斑。半指已變紫黑。此亢陽之極。乃成脫疽。脈洪大。數而有  
力。與肥人相反。如再黑色上延。壞人迅速。詢知此婦  
本富室。無嗣。口縱膏梁。冬熾爐炭。又多服種子熱藥。  
中年喪夫。家業爲嗣子蕩盡。久懷憂鬱。後與寡母同  
棲。身就寂寞。此先富後貧。所願不得。又爲失榮症。辭  
不可治。再三哀懇。余乃遵孫真人治法。在肉則割。在  
指則切。先服人參養榮湯。隨用軟絹條尺許。纏裹黑  
色盡處。好肉節上。以漸收緊。次用利刀放準。依節切

下將手浸甘草溫湯中片時。血出不多。疼亦不甚。余曰。切而不痛。此爲氣血筋骨俱死。此指雖脫。未可得愈。因以八味丸料。

八味丸  
徐×

加入參麥冬。大劑煎服。先

救腎水。次扶脾胃。間用金液戊土丹以解藥毒。後三日。將纏裹處漸漸放鬆。以通血脈。搽貼紅黑二膏。生肉止痛。既而手背手掌日漸發腫。勢惡之甚。惟不黑色。此內毒已出之故。仍用神燈照法。兼以豬蹄湯淋洗。其腫處又出數頭。流去膿血無數。兩月外。方得腫稍退。膿稍減。又以參朮膏。人參養榮湯兼服。半年外。

始愈而指失矣。

徐曰。此脫疽之類也。

一男僕冬月嚴寒。主使赤足履地。不敢移。血凍麻木。次日十指俱紫。又數日全變黑色。麻木不痛。請余視之。強用辛熱散寒活血熏洗等藥。不應。又延黑腳面骨節一段。甚疼。余曰。後必十指齊脫。其主疑爲脫疽。余曰。似是而非。尚可不妨。令常用桑木火灸之。取其溫暖活血。又能解散鬱毒。患處漸腐漸脫。自不走散。內服健脾養血之藥。外用紅黑二膏生肌。百日外愈。

徐曰。此凍極血凝之症。

一侍女年十二歲。貌頗美。主嫌腳大。用布任意纏緊。以線密縫。脹痛不堪。訴主不聽。半月後流出臭水。方解視之。雙足前半段盡皆黑腐。骨肉已死。余曰。已壞者不可復救。只救未壞者可也。先煮參粥食之。次煎蔥湯。令主家僕婦將兩足浸入湯內淋洗。再換湯浸。但腐肉不痛者。逐一翦割。連續知痛者。以花蕊石散搽之。俾將壞者復生。已壞者得脫。內服補中益氣湯。外搽生肌玉紅膏。此與前案男僕雖俱得愈。俱廢疾終



身。

一男子右足小指縫中初生一點黃粟泡。皮肉隨變紫色。陰疼不腫。有如刀刺。視其形色。真脫疽也。診其脈。又細數無力。此腎經敗症。詢知生平大飲。內有妻妾三人。精力已竭。縱治無功。遂起辭之。後延至腳面。足底皆穿。疼痛不徹。飲食日少。氣血日衰。形體日削。一月後百苦而終。

徐曰。此陰毒之症。多不治。

脫疽主治方

解毒濟生湯

解毒濟生湯草芎  
知柏二花兼遠志

花粉柴芩歸茯苓  
犀角升麻牛膝同

治脫疽初起惡寒體倦發熱作渴或腫或紫或麻或痛四肢倦怠心志恍惚不甯者。

川芎

當歸

黃柏

知母

天花粉

金銀花

麥冬

遠志

柴胡

黃芩

犀角

茯神

各一錢

甘草

紅花

升麻

手

加

牛膝

足指加  
各五分

水二茶鍾煎八分臨服入童便一杯隨病上下服。

徐曰藥味甚雜不足法。

陰陽二氣丹

陰陽二氣麥天冬澤瀉辰砂礬五味

冰柏元參青黛同人中甘草有殊功

治脫疽久服丹石補藥致虧腎水多成口燥咽乾至飲冰雪不知其冷此孤陽獨旺宜服此解之

天冬

搗膏

麥冬

搗膏

五味子

炒研

黃柏

人中白

小兒溺者

元參

湯泡去粗皮搗膏各一兩

青黛

色嬌嫩者

甘草

枯礬

辰砂

為衣

澤瀉

各三錢

冰片

一錢

各為細末。同元參二冬膏子加煉蜜少許再搗千餘下。軟硬得中。丸如桐子大。每服六十九丸。童便乳汁各一鍾。空心送下。安睡一時。其效如神。

徐曰此方無法不可學

清神散

清神散內牛硃砂解毒更兼甘草節

豆粉梅花冰片加諸瘡煩嘔自然瘥

治脫疽疔瘡發背毒積甚者。腠理發越不盡。煩躁悶亂。睡則譫言。嘔吐不食。

甘草節

五錢

菜豆粉

一兩

劈砂

三錢

梅花片

五分

牛黃

三分

右為細末。每服一錢。淡竹葉燈心湯調服。

徐曰此治熱毒犯心經之方

雌雄霹靂火

雌雄霹靂火純陽陰毒陰疽陰發背

斬艾雙黃丁麝香用之一灸自回陽

治脫疽及一切發背初起不疼痛者

艾茸

二錢

丁香

雄黃

雌黃

各二分

麝香

一錢

右四味共研極細。搯入艾中。作黃豆大丸。放於患上灸之。毋論痛癢。以肉焦為度。如毒已經走散。就紅暈盡處。排炷灸之。痛則至癢。癢則至痛。為妙。灸後仍用提疔麥子貼上膏蓋。次服蟾酥丸。及解毒濟生湯。轉回活色。有膿為妙。

徐曰。陰症灸法。

金液戊土丹

金液戊土丹五味砂雄硝石烏梅肉

牛黃神志冰麝香石菖蒲與人中黃

治脫疽及疔瘡。先因縱食膏粱厚味法酒。又或丹石補藥。勉力入房。多致積毒臟腑。久則胃汁中乾。腎水枯竭。不能上制心火。以致消渴。消中消腎。饒飲多乾。能食多瘦。九竅不通。驚悸健忘。見此諸症。後必發疽。多難治療。宜預服此。可轉重就輕。移深居淺。又解五金入石之毒藥也。

人中黃

製法在末卷

烏梅肉

茯神

胡黃連

五味子

各一兩

石菖蒲

辰砂

雄黃

遠志

硝石

各三錢

牛黃

冰片

各一錢

金箔

二十張為衣

各為淨末。配準前數。共入乳鉢內。再研千轉。於端午七夕。或二至二分吉辰。在淨室中。先將烏梅地黃二膏搗極爛。和藥。漸加煉蜜少許。徐徐添搗。軟硬得中。每藥一兩。分作十丸。金箔為衣。每服一丸。用人乳童便。共一大杯化藥。隨病上下。食前後服之。此藥最解膏粱金石藥毒。殺三尸。除勞熱。極有奇功。又治煩顛。安神志。辟瘴。辟瘟。及諸邪魅。謔語。失心喪志者。俱效。

修合之時。服藥之際。俱忌婦人。僧尼。孝服。雞犬等見之。此藥用蠟封固收藏。不泄藥味。愈久愈效。

徐曰。此亦通治之方。此等前已有。

楣案全生集載脫疽治法。大人以陽和湯。小孩以小金丹。最很者以犀黃丸。皆可消之。如色紅者。卽非脫疽。當作癰治。

又案歌有麝香而方無之。方有胡黃連而歌無之。製法有地黃膏。而歌與方皆遺之。

脫疽應用方



針刺法

蟾酥丸

蟾酥餅

見疔瘡門

蠟礬丸

神燈照法

太乙膏

眞君妙貼散

內疎黃連湯

托裏消毒散

豬蹄湯

玉紅膏

見腫瘍門

十全大補湯

參朮地黃膏

人參養榮湯

補中益氣湯

加減八味丸

見潰瘍門

桑木灸法

見腦疔門

人參敗毒散

見時毒門

如聖金刀散

花蕊石散

見金瘡門

外科正宗卷四終